

**LE CHAPITRE DV SOLEIL,**  
*contenant quinze versets, escrit  
à la Meque.*

**A**V nom de Dieu clement & misericordieux. Je iure par le Soleil & sa lumiere, par la Lune & sa clairté, par le feu & son effeuation, par la nuit & son obscurité, par le Ciel & ses estoiles, par la terre & ses campagnes, par la creation de l'ame, par la cognoissance de la vertu & du vice, que celuy qui sera purifié de ses pechez sera tres-heureux, & que celuy qui se salira dans le vice, sera tres-malheureux. Les gens de Femod ont dementy leur Prophete à cause de leur opiniastrété, mais certainement ils en ont esté chastiez. L'Apostre & Prophete de Dieu leur a dit. Voila le chameau de Dieu laissez le boire, ils se sont moquez de luy, & ont tué ce chameau, Dieu les a rudement chastié, il n'a pas espargné ses chastimens contre eux.